

بِسْمِ اللَّهِ الرَّحْمَنِ الرَّحِيمِ

# Khutba Jummah

HAZRAT MUHYI-UD-DIN AL-KHALIFATULLAH

*Munir Ahmad Azim*

08 Avril 2016 ~  
(29 Jamad'ul Aakhir 1437 Hijri)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba Jummah lors « **Arrête La Violence & Retourne à L'Islam** »:

## ARRÊTE LA VIOLENCE & RETOURNE À L'ISLAM



Personne pas capave dénié le fait ki terrorisme, barbarisme et violence zot trouve parmi bane malaise à travers quoi le monde islamique pé souffère azordi zour dans sa le monde globale ki pé évoluer rapidement là. Bane dimounes pé pluto fer ene lécourse pour gagne plisse casse, et zot pé travaille dans sa but là pour améliore zot conditions financière et alors kan ena bane progrès matériel ki arriver, de l'autre côté ena ene déclin au niveau morale et spirituel de bane dimounes, et aussi de bane musulmans. Bane musulmans trouve zot bane fondations spirituel sakouyé et pou pli complique les choses, li pas ene secret pour personne ki ena certains pays musulmans ki fine vine parmi bane plus grand producteurs de la drogue et bane les autres intoxicants ki exporté dans bane pays l'Afrique et l'Asie, là kot-kot ena la majorité de bane pays musulmans, et zot faire sa malgré le fait ki l'Islam condamne la consommation et la vente de bane intoxicants.

Bane psychologistes moderne et bane docteurs spécialistes dans le domaine ti découvert ki ene excès de bane la drogue et intoxicants amène vers le terrorisme et la violence dans bane plusieurs formes ki zot exister. Dans sa bane circonstances là, bane médias de l'Amérique et de l'Europe ti saizi de sa l'opportunité en or là pou présente bane musulmans couma ene bande de terroristes vers la fin du 20<sup>ème</sup> siècle, seulement pou effraye le monde non-musulman et pou gâte l'image de

l'islam. Et durant bane l'années 1990s, bane médias dans tous so formes fine embarque dans ene campagne agressif pou accuse bane musulmans comme bane dimoune barbares ki encore pé vivre bane l'époque pré-islamique et ki fine tombe dans bane débauches (dans la vie immorale) surtout kan zot (bane musulmans) et aussi bane médias servi le mot « *Jihad* » dans zot propre façon pou contourne so vrai signification. Alors zot servi sa prétexte « *Jihad* » là et zot servi li dans façon ki zot envie et ki pas refléter vrai l'enseignement de l'islam lors le sujet. Sa campagne de bane médias là fine gagne de plus en plus de poids au tournant de sa nouveau siècle là (le 21<sup>ème</sup> siècle) kot ene soi-disant projet ou projet bien planifié fine fer pou catégorize bane musulmans couma bane terroristes, et alors sa plan là fine mette en exécution avec bane l'attaques terroristes de 11 Septembre 2001 (lors World Trade Centre et le Pentagone).

Bane grands historiens Musulmans et non-Musulmans capave porte témoignage (et d'ailleurs zot fine fini fer li) lors le fait ki jamais le Saint Prophète Muhammad (saws), dans n'importe ki l'occasion durant so mission prophétique, ki li dans Makkah ou Madina fine servi la violence pou contre-attaque bane persécutions de so bane l'ennemies, mais nous capave dire en toute confiance, sans exagération ki li ti le premier chef/ leader ki fine enseigne la « **non-violence** ». Toutefois, azordi, la « *non-violence* » li associé avec Gandhi, Martin Luther King ou Nelson Mandela kan la grande majorité de bane dimoune zot blié ki bane l'enseignements de l'islam zot universel. Li également vrai et li bon mo mentionne sa ki avec la situation présente, presque tous bane religions dans sa l'époque moderne là zot dans ene l'état de crise ; mais l'islam en étant ene code de vie complet pas manque bane solutions à bane problèmes de violence ki pé affecter la société. En premier lieu, le mot « *Jihad* » couma la plupart de bane musulmans servi li et ki bien mal compris par bane non-musulmans, alors bien bizin donne so définition exacte ; c'est quoi le « *Jihad* » ?

Si nous compran le mot « *Jihad* » comme étant veut dire « *Qitaal* » ou la guerre avec bane z'armes, alors sa définition là pou seulement applicable, d'ene point de vue religieux, seulement kan pé applique « **self-défense** » et non pas pou agresse les autres ou pou touye bane dimoune innocents pareil couma fine mentionner dans Quran Shareef : **Combatte dans chemin Allah bane dimoune ki combatte ou, mais pas dépasse limite, parski Allah pas content bane ki dépasse limite.** (Al-Baqara 2: 191)

Par exemple, aussito ki le Saint Prophète Muhammad (saws) ti retourne Madina après ki li fine remporte la Bataille de Badr, li fine reminde (rappel à) so bane compagnons ki le « **petit Jihad** » fine terminer et ki le « **Plus Grand Jihad** », **ki représente ene la lutte constante pou combatte bane mals, pé maintenant commencer** ; ce ki veut dire ki le « *Jihad contre le nafs* » ou le « *Plus Grand Jihad* » ki pli important afin pou combatte bane démons ki pé tente l'humanité pou commette bane péchés.

Le Saint Prophète Muhammad (saws) ti donne bane instructions ki bane madames, bane missiés ki vieux et infirmes faudé pas maltraite zot et ni faudé coupe bane piés et détruire bane plantations.

Malheureusement azordi zours bane extrémistes et terroristes c'est zot ki pé gâte l'image et bane l'enseignements de l'Islam. Nous, le Jamaat Ul Sahih Al Islam nous condamne tous bane actes terroristes ki alle à l'encontre de l'Islam. Nous absolument condamne bane l'attaques lors la France et la Belgique et bane les autres pays kot sa bane extrémistes là pé faire ravage.

Le plus important étape pou prend afin pou arrête la violence c'est ki bizin revoir tout le système de l'éducation au niveau de Madrassa même. Malgré le fait ki sa initiative là pas pou capave enlève complètement bane mals ki pé affecter bane sociétés islamiques, mais au moins sa pou capave aider pou réduire sa bane mals là à so minimum dégât. Ene nouveau curriculum ki consister en saki pou pli bénéfique à l'environnement de bane zenfants musulmans bizin introduire afin pou aide zot pou cope avec bane nouveau tendance dans le développement de l'Éducation Islamique, kot sa capave créer ene vrai l'esprit de l'Islam, pou fer zot réalise la nécessité pou fer *Namaz/ Salaat* (la prière) régulièrement, pou garde *Roza/ Sawm* (carême) dans le Mois Béni de Ramadhan, et pou acquérir bane principes de base et fondamentales de l'Islam.

Pou arrive à sa bane buts et l'objectifs là, la participation active de bane parents li primordiale, kot zot grandement appeler pou monitore de près bane progrès de zot bane garçons et tiffles. Ene problème important ki pou capave fer surface à sa stage là c'est ki ena bane parents pou capave trouve zot-même incapable pou aide zot bane zenfants dans sa bane apprentissages là à cause zot manque zot-même bane bon l'éducation islamique pou fer sa travaille là. Toutefois, ene suggestion, c'est ki ene l'Éducation Islamique pour bane Adultes organiser pou sa bane parents là par bane Amirs et missionnaires dans l'Islam avec l'intention pou encourage zot pou participe dans Fassonnement de la personnalité complet de zot bane garçons et filles d'après le Quran Shareef et bane Hadiths du Saint Prophète Muhammad (saws). Dans sa connexion là, Quran Shareef dire : **Ou ki ena la foi, entre dans (pratique) l'Islam complètement.** (Al-Baqara 2: 209)

L'Islam pas veut dire simplement pou soumettre partiellement à Allah et à So prophète Muhammad (saws) mais c'est seulement **ene soumission complet à la volonté d'Allah** ki pou capave donne l'opportunité à la jeunesse musulmane pou réalise le but de zot l'existence dans sa le monde là et pou prépare zot, pou fer zot apprene ki-ki zaffaire zot bizin préparer pou amène avec zot kan zot la vie lors sa la terre là pou tire à sa fin.

Après ki zot fine équipé avec bane piliers et principes de bases et fondamentales de l'Islam, alors pas ena de doute ki zot pou développe ene l'attitude positif pou tolère et respecter zot bane voisins, pas seulement bane ki forme parties de zot propre communauté mais aussi bane les autres dimounes de bane les autres communautés ki pé vivre autour de zot. Alors, avec ene grand conviction, zot pou rejette tous bane mals, et aussi la violence et bane la drogue, bane intoxicants et bane les autres vices et bane mals ki pé affecter zot communauté, société et pays ki zot forme partie. C'est seulement après avoir ki zot fine soumettre zot à sa purification de l'esprit et de l'âme là ki zot pou capave dire haut et fort ki zot appartenir à ene telle communauté ki capave montrer le meilleur exemple pour bane les autres pou imité. Allah dire dans Quran Shareef: **Ou forme le meilleur des communautés ki existé pou l'humanité. Ou ordonne séki correcte, ou empêche séki malpropre, et ou ena la foi en Allah.** (Al-Imran 3: 111)

## ASAD SHAH SAHIB: MOTIF DE SO ASSASSINAT

Avant mo termine mo Khutba Jummah azordi, mo envie dire quelques mots lors Syead Asadul Islam Shah Sahib ki ti assassiné le 24 Mars dernier. Li fine né dans Rabwah le 31 Janvier 1976 (li fine fek gagne so 40 ans). Li ti garçon de Syead Naeem Shah ki ene Pakistanais et li fine fer so FSc dans Nusrat Jahan Academy dans Rabwah et so la famille fine émigrer en Ecosse, à Glasgow en 1998. Li ti ena ene ti commerce, et li ti régulier dans so bane contribution financière dans Jamaat, et même mo fine apprane ki li ti dans Wassiyat et ki d'après bane Khuddam-ul-Ahmadiyya, li ti régulier dans Ijtema et Jummah.



Sa imbécile ki fine touye li avec ene couteau la cuisine là, kot li fine flanque li 30 coup de couteau, c'est **Tanveer Ahmad** ene extrémiste de 32 ans ki travaille comme chauffeur Taxi. Li fine avoué ki li fine touye **Asad Shah Sahib**, pas à cause li fine souhaite bane Chrétiens joyeuses pâques, mais dans la cour, li fine admette ki li fine touye li à cause ki li fine proclame li prophète et ki Asad Shah Sahib pas fine montré aucaine respé envers le prophète Muhammad (saws).

Bane journals là-bas fine saizi sa l'occasion là pou dire ki à cause Syead Asad Shah Sahib fine souhaite joyeuses pâques à so bane compatriotes Chrétiens ki ene l'autre musulman d'ene l'autre secte fine touye li. Pour le moment, Tanveer Ahmad fine paraite en cour deux fois, ene la fin Mars et deuxième le 05 Avril et li fine avouer ki li fine touye Asad Shah Sahib, et li fine mette sa officiel dans ene déclaration à travers so avocat John Rafferty le 06 Avril 2016. Li ti envie mette sa au clair ki li fine touye Asad Shah Sahib à cause ki li fine déclare li prophète. Ena bane les autres détails ki mentionner dans sa déclaration là pou soi-disant justifier sa crime ki li fine faire là.

En d'autres mots, li fine ciblé le Jamaat Ahmadiyya kot d'après so façon penser, ainsi ki bane les autres mullahs fanatiques de groupe Khatme Nabuwat et bane les autres cercles anti-Ahmadiyya penser, prophètes pas pou capave vini après le Saint Prophète Hazrat Muhammad (saws). Et alors sa bane là fine faire bane déclarations ki Asad Shah Saheb ene fausse prophète et zot fine même posté bane vidéos online en Novembre 2014 pou fer sa déclaration ki li ene fausse prophète là, et aussi zot bane website rempli avec la haine contre Islam Ahmadiyyat. Pour zot, nous, bane Ahmadis nous fine alle en dehors cadre de l'Islam.

*Nawzobillah Min Zaalik !* Eski c'est sa l'enseignement de l'Islam ? C'est sa même ki Allah (swt) et So Rassool (saws) fine enseigne ou ? **Si li déclare li prophète et si li fausse, c'est li ki ena pour rendre compte avec Allah (swt) pour sa bane déclaration/ proclamation ki li fine faire là.** Eski sa ene bon action d'ene musulman sa ? Kot zot fine alle gagne sa patente pour alle juge la foi les autres. Eski

ou garantie ki ou lors le droit chemin et ki ou la foi ferme, ki ou croyance lors l'enseignement de l'Islam solide couma béton ? Sa action barbare ki fine faire là, li Islamique sa ?

Par zot bane actions barbare là, zot pé donne ene mauvais l'image lors l'enseignement de l'Islam. C'est sa bane qualité extrémistes là ki pé faire bane mauvais actions anti-Islam, pé attaqué dans plusieurs pays, kot pé attaque bane innocents, tire la vie bane innocents. C'est sa l'enseignement de l'Islam ? Eski zot pé prend zot pli grand juge ki Allah (swt) ? Allah (swt) fine dire dans Quran ki c'est zis Li ki conne les cœurs de So bane créatures, So bane serviteurs, et ki domaine donne la foi et juge la foi, c'est zis Li ki ena sa, pas bane les autres ki pé déclare et juge les autres pas musulmans. En vérité, par zot l'esprit cabossé là, zot pé pli piétine bane vrai l'enseignements de l'Islam.

Maintenant nous analyse saki le 5<sup>ème</sup> Khalifatul-Massih Hazrat Mirza Masroor Ahmad Sahib fine dire dans so Khutba Jummah le 1<sup>er</sup> Avril 2016. Li dire ki Syead Asadul Islam Shah Sahib de Glasgow fine *Shaheed* (martyr) à cause li ene Ahmadi. Li fine gagne *Shahadat* lor sa base là. Bé sa bane dimounes ki pé morts dans la main de bane extrémistes et bane terrorists là, zot pas pé *Shaheed* zot ? Bane frères et sœurs musulmans pour la cause d'Allah fine alle accompli le 5<sup>ème</sup> pilier de l'Islam (Hajj), combien fine mort lors la terre saint ! Zot pas fine *Shaheed* zot ?

Le 5<sup>ème</sup> Khalifa alle pli loin pour li dire ki Asad Shah Sahib fine passe par plusieurs phases de problèmes mentales et sa ki fine faire li débalancé. Mais so famille ki proche de li dire ki Asad Shah Saheb ti ene dimoune bien brillant, intelligent et ene dimoune ki content la paix, et content répanne la paix. Ki sanlà ena pli raison là-dans ? Le Khalifatul-Massih ou sois so famille ? Which is which? Couma le Khalifatul-Massih fine capave dire ene telle parole coumsa. Eski li fine examine li ou eski li ena certificat l'hôpital mentale ? Ene dimoune ki mentalement malade ki pé dirige ene business et li joine plusieurs dimounes dans so commerce tous les jours pour donne zot le message de paix et d'unité ?

Rappelle bien mo bane frères et sœurs ki le Jamaat Ahmadiyya aussi fine ferme la porte prophètes et révélations après Hazrat Muhammad (saws) et Hazrat Mirza Ghulam Ahmad (as). Lors la lèvres ena bane paroles doux et de paix, mais dans actions ena brutalité et la haine. Zot critique bane les autres musulmans kan de nos jours zot pé manifester zot dans ene façon non-islamique pareil couma bane les autres musulmans ki ti pé critiques et persécute Hazrat Massih Maoud (as). Mais alors comment se fait-il kan Asad Shah Sahib fine dire ki li pé recevoir la révélation de côté d'Allah et ki li ene prophète aussi, comment se fait-il ki le 5<sup>ème</sup> Khalifa et so bane alentours pas fine prend sanctions contre li ? Péna aucaine boycott, ni persécution ? Et le 5<sup>ème</sup> Khalifatul-Massih dire ki li (Asad Shah Sahib) ti attaché avec Khilafat d'après so Amir régional à Glasgow. Et li alle pli devant pour dire ki ena certains dimounes croire ki li fine quitte Jamaat et Hazrat Mirza Masroor Ahmad Sahib pé donne garantie ki li pas fine quitte Jamaat et li ene Ahmadi et li ti régulier dans tous bane programmes du Jamaat.

Le 5<sup>ème</sup> Khalifa pé faire cover-up dans situation Syead Asadul Islam Shah Sahib. Dans le Jamaat de Hazrat Massih Ma'oud (as) aussi de nos jours ena deux poids et deux mesures.

Pour nous (à Maurice), à cause mo gagne la révélation fine mette nous en dehors du *Nizam-e-Jamaat*, et zot dire « *so-called revelations* » et envoie *Laanat* (malédiction) et dire nous, alle forme nous propre Jamaat et faire mette boycott lors nous, pas faire Salaam, pas invite nous même dans bane fonctions familiale. Zot rentre dans ou la vie familial aussi et la vie privée. Zot pas laisse rentre dans Masjid. Si zamais ene famille fine invite ou pour ene mariage par exemple, l'Amir, so missionnaire en charge et les autres Ahmadis quitter aller et attention, prend sanction contre celui ki fine invité là. Kot nous pé aller dans la religion ?

Hazrat Muhammad (saws) fine donne warning lors là dans so Khutba d'adieu; personne pas pli supérieur ki ene l'autre. Mais ici nous trouve Pakistanais pé protège Pakistanais et pé couvert beaucoup pour faire croire ki sa faire zot bien attristé par la mort de Syead Asadul Islam Saheb et le 5<sup>ème</sup> Khalifa passe l'éponge lors révélations et proclamation prophète pour dire ki li ena seulement problème au niveau so la santé mentale et li dire ki li fine *Shaheed* à cause li ene Ahmadi !

Le 5<sup>ème</sup> Khalifa fer so Namaz Janaza (*Ghaib*) le 1<sup>er</sup> Avril après Jummah avant même ki so famille faire so Namaz Janaza dans Glasgow. Ici à Maurice ena bane ki ti croire dans bane révélations divines ki mo recevoir ki ti décédé. Bane Ahmadis mette boycott et deboute ene distance pour pas faire Namaz Janaza ; pourtant ena là-dans zot propre famille. Séki mo trouve étonnant encore ki Syead Asad Shah Saheb ti dans Wassiyat. Eski pas enterre li dans *Bahishti Maqbara* (ou pou mette so nom lors ene plaque dans Bahishti Maqbara)? Et so Namaz Janaza (*devant lécorps*) fine faire le 2 Avril 2016 à 1 pm, heure locale et enterré dans Cimetière Cardonald, Glasgow.

En tous les cas, nous le Jamaat Ul Sahih Al Islam, nous pas ena aucaine l'ennementé. Kan mo pé dire sa, ni pé cause de mal pour Syead Asadul Islam Shah Sahib, ni pour les autres. Mo pé bizin dire sa bane zaffaires là pour explique façon de faire du Jamaat Ahmadiyya et le 5<sup>ème</sup> Khalifatul-Massih, sa grand test ki Allah fine faire avec li, dans même situation lors révélation et proclamation prophète, pour ki sak dimoune capave réfléchi lors là, et apporte ene jugement.

Pour moi, Syead Asadul Islam Shah Sahib, nous ti ena ene bon relation couma mo ti dire dans mo Khutba Jummah semaine dernière. Au contraire mo capave dire ki bien avant les autres faire so Namaz Janaza, c'est nous le Jamaat Ul Sahih Al Islam ki fine premier pour faire so Namaz Janaza. Allah (swt) fine oulé li coumsa. *Alhamdulillah*.



**SYEAD ASAD UL ISLAM SHAH RABWEE** 1 year ago

BISMILLAH ..... , My dear most respected Hazrat Munir A. Azim (atba) ! .....Assalamu'alaikum warahmatullahi wabarakatuh. May BELOVED ALLAH TA,ALA grant and bless you most respected long healthy protected life Ameen Ya PEARY RABB-UL-AALAMEEN . Please kindly remember me and my all beloved family in your special prayer JZAKALLAH WA AHSANULJZA. I am very sorry i missed you . Glasgow was not far from London , you most respected welcome in any time . wassalaam. Your Real Sincere Servant SYEAD ASAD UL ISLAM SHAH RABWEE

Reply



**SYEAD ASAD UL ISLAM SHAH RABWEE** 1 year ago

BISMILLAH....., +Sahih Al Islam , My dear most respected Hazrat Munir A. Azim (atba) ! Wa alaykum assalam wa rahmatu allahe wa barakatuhu , " KALMOUN KY MILNY SY SFEEN BANTI HEIN " Wahi ALLAH TA,ALA 01-02-2000 , " IS DUNYA KO ILM O AMEL KA GEH-WARA BNA DEYA JAE " Wahi ALLAH T. A,ALA Friday 23-05-2014 , 5:30am GMT , May BELOVED ALLAH TA,ALA grant and bless my dear most respected Holiness ! long healthy fruitful according to HIS (GOD,s) wish life AMEEN YA PEARY RABB-UL-AALAMEEN. I tried my best to contact my dear Holiness but according to wish of BELOVED ALLAH TA,ALA we missed this time opportunity But INSHA,ALLAH TA,ALA we will meet soon . My all contact details are on booklets I sent before . I will call back soon. INSHALLAH TA,ALA , JZAKALLAH WA AHSANULJZA Wassalaamoualaikum Warahmatullah Wabarakaatuhu , Your Real Sincere Servant SYEAD ASAD UL ISLAM SHAH RABWEE

Reply



**Sahih Al Islam** 1 year ago

+SYEAD ASAD UL ISLAM SHAH RABWEE

My dear brother Asad Shah Sahib,  
Assalamoualaikum Warahmatullah Wabarakaatuhu.

Jazak-Allah for your beautiful message. Muslim brothers should be united, and I pray to Allah (swt) that He enables this nexus (connection) with His real servants and that we may be united to preach the unicity of Allah to the world.

In this respect, I humbly invite you my dear brother to work with me in the Jamaat Ul Sahih Al Islam, and together as one body of Muslims and under the merciful gaze of our Rabb we may invite humanity towards Allah. Insha-Allah, I pray to Allah that you are agreeable to this invitation and we work together for the pleasure of Allah, Insha-Allah. I humbly pray, may Allah guide us through His most wise and powerful will to do His will as per His wishes and instructions, Insha-Allah.

Ameen.

I humbly wait for your answer, be it through phone call or email: muhyiuddin@jamaat-ul-sahih-al-islam.com

Jazak-Allah,

May Allah enable humanity to realise the beauty of His mercy and love for us all. Ameen.

Wassalaamoualaikum Warahmatullah Wabarakaatuhu,

Munir A. Azim

[Show less](#)

Reply



**SYEAD ASAD UL ISLAM SHAH RABWEE** 1 year ago

+Sahih Al Islam , BISMILLAH ..... , My dear most respected Hazrat Munir A. Azim (atba) ! .....Assalamu'alaikum warahmatullahi wabarakatuh , According to the instruction of BELOVED ALLAH TA,A " KALMOUN KY MILNY SY SAFEEN BANTI HEAN " Wahi ALLAH TA,ALA 01-02-2000 I am 110% with you to complete the SPIRITUAL MISSION of BELOVED ALLAH TA,ALA ..... , The phone does not go through can your Holiness please kindly add me on Skype id = asad.shah.7866 JZAKALLAH WA AHSANULJZA .

Reply

Mo présente encore ene fois mo sincère condoléances et sympathie à la famille d'Asad Shah Sahib. Ki Allah aide zot dans zot bane moments de difficultés et donne zot courage pour affronte la vie et pour mette zot confiance en Allah, ki tout saki Allah fer, c'est en vérité so volonté ki primer dans tous zaffaires. *Ameen.*